

Studiente ehemplar Jamilie Geerman ta gradua di ISA carga cu premionan Internacional

ORANJESTAD(AAN): -- Jamilie Geerman a gradua recientemente di International School of Aruba (ISA) cu resultadonan excelente.

Ademas di tabata "honor graduate" di e school, el a haya dos "President's Award for Educational Excellence".

E premio pa excelencia educacional ta encera cu presidente di Merca Bill Clinton ta reconoce señorita Geerman como e studiante cu mas a bay dilanti den su estudio y cu a presta mihor.

E premio aki ta forma parti di un programa di presidente di Merca yama "President's Education Awards Program".

Como cu ISA ta un school Mericano, e tambe ta cay bao di e programa.

Den un entrevista cu DIARIO, señorita Geerman ta bisa cu tur aña, presidente di Merca ta duna seis di e premionan aki na cada school internacional.

Normalmente studiantenan ta haya un premio so y e ta unico cu a logra dos.

Ultimo aki ta bastante excepcional, tambe pasobra el a pasa dos aña so na ISA y semper a bay school Arubiano.

Den e carta di Cas Blanco cu a acompaña su premionan, presidente Clinton ta felicita jufrou Geerman y ta encurashe pa e saca lo maximo di su educacion y pa

THE WHITE HOUSE
WASHINGTON

February 9, 1998

Congratulations on receiving the President's Education Award. Mrs. Clinton and I are happy to join your teachers, family, and friends in recognizing this wonderful achievement.

This award is a special recognition of your hard work and determination to make the most of your abilities. Whether you go on to advanced studies or begin a career, I encourage you to make the most of your education and become a lifelong learner. By doing so, you can broaden your world, discover new ideas, and help to lead our country in the 21st century.

Whatever path you choose, I hope you will always reach out to help others, continue to set high goals, and believe in yourself. Best wishes for a future filled with happiness and success.

Bill Clinton

e keda siña henter su bida.

Door di haci esaki, e lo amplia su horizonte, discubri idea nobo y yuda pa guia su pais pa drenta Siglo 21.

Presidente Clinton ta bisa di ta spera cu e lo sigui yuda otronan, pone metanan grandi pa su mes y kere den su abilidadnan.


Mas leu, jufrou Geerman a haya e "Award for International Understanding" di ECIS (European Council fo

International Schools).

E premio aki ta pa reconoce un studiante di school internacional cu mihor ta reflehá e principionan di bon ciudadania.

Pa medio di e premio, ECIS ta reconoce jufrou Geerman no solamente pa loke el a logra na ISA pero ta stimule tambe pa e sigui dedica na haci bon y na promove compromendimiento entre tur hende.

Den e entrevista, Jamilie



Geerman ta splica cu el a gradua riba 10 di Juni, hunto cu diescuatro otro hoben.

El a haci examen final den tres vak, esta, natuurkunde, Spaño y economia.

Pa Ingles y wiskunde e no tabata tin mester di haci examen, como cu ya su average di punto di durante aña tabata

suficiente.

Señorita Geerman ta pensa di studia civil engineering na Southern Polytechnic State University na Atlanta.

Riba foto hunto cu articulo, Jamilie Geerman riba dia di su graduacion y tambe copia di e carta cu el a haya di presidente Clinton.

Ed Malone President di Caribbean Hotel Association



ORANJESTAD (AAN): Diaranzon 17 di Juni ultimo, Sr.Ed Malone a asumi e puesto importante di President di "Caribbean Hotel Association", mihor conoci como C.H.A. Esaki a sosode durante un reunion na Bahamas. Pa Aruba esaki ta un tremendo noticia, pasobra ta despues di hopi aña Aruba ta worde honra cu e puesto aki atrobe. E prome biaha tabata Sr.Ike Cohen cu a asumi e puesto aki na aña 1964, y for di e tempo ey nunca mas nos isla a haya dicho oportunidad.

Sr. Ed Malone a menciona cu e tin 11 aña ta traha den relacion masha estrecho cu C.H.A. y for di un aña prome

pa asina e por cuminsa traha di serca cu e asociacion ya asina ora cu e asumi dicho posicion, cu ya e ta cla caba y conoce tur trabao pendiente. Sr.Ed Malone lo keda den e posicion aki pa doa (2) aña largo. E mesa a bisa cu e siguiente dos(2) añanan yena cu retonan y plannan grandi pa ehecuta.

E puesto di President di C.H.A. lo trece bastante promocion pa Aruba y e bon den esaki ta cu trata di promocion gratis. Ki ora cu nan referi na e President di C.H.A. nan lo anuncia Sr.Ed Malone di Aruba. E satisfaccion mas grandi di sr.Ed Malone den henter e trabao aki ta cu elo

drenta e milenio nobo cu e posicion aki, ya cu su periodo lo core te cu aña 2000.

Caribbean Hotel Association ta un asociacion bastante grandi cu ta conta cu 35 pais miembro. Islanan cu ta cuminsa for di Bermuda te cu Guyuana y for di Honduras te cu Barbados.

Sr.Ed Malone a bisa cu elo probecha di e posicion nobo cu e tin pa promove mas educacion, entrenamiento, mercadeo y concientisacion di turismo den e islanan miembro di e organisacion. Sr.Ed Malone awendia a Gerente General di Stauffer Hotel na Aruba y ta un miembro activo di AHATA.